

**Takornariaqarnermik inuussutissarsiteqarnermi akuersissutinik tunniussisarneq qanoq pitsanngortissinnaaneripput aammalu taamatut tunniussisarneq nunatsinni takornarialerisunut naapertuuttumik ingerlanneqartarnersoq pillugu apeqquteqaat aallaavigalugu oqallinnissamik siunnersuut.**

(Inatsisartunut ilaasortaq Aqqalu C. Jerimiassen, Atassut)

**Akissuteqaat**

(Nunanut Allanut, Inuussutissarsiornermut Niuernermullu Naalakkersuisoq)

Naalakkersuisut oqallinnissamut siunnersuut Inatsisartuni ilaasortamit Aqqalu C. Jerimiassen, Atassut qujassutigaa.

Naalakkersuisut ilisimavaat apeqqutigineqartoq takornariartitsinermit akuersissuteqartarneq maanna ileqqusuniit pitsaanerusumik aqqissuunneqarsinnaasoq pillugu.

Suliassaqarfimmi tassani maanna inatsit atuuttoq, taaneqartartoq “takornariartitsinermit akuersissutinut inatsit” pingaarnertut siunertaqarpoq ungasinnerusumut isigisumik ineriartortitsinermit killiliussanik aqqissuussiviusutut, nunatsinni takornariartitsinermit ingerlatsiviusut suliffeqarfiit pisariaqartunik killiliussanik atugassaqartikkumallugit kajumissaasersorumallugillu aqqissuussinertut, takornariartitsinermit inuussutissarsiornermit aningaasalersuisinnaalersikkumallugit.

Takornariartitsinermit akuersissutinut inatsit 2012-imeersuuvoq, 2015-imilu allannguuteqartinneqarluni.

Taamaattumillu maanna piffissanngorsimavoq inatsimmik allannguuteqartitsinissamut, killiliussatullu atugassarititaasunik ullutsinnut naleqqunnerulersitsinissamut, annertusisamillu isiginiarneqarnissaanik takornariartitsinermit ingerlatsinermit akuersissuteqartarnermit kalaallit annertusisamik peqataalernissaat, ingerlatsineq matumani najukkani ataasiakkaani ingerlatsiviusuni suli annerusumik aallaaveqalersikkumallugu.

Nunatsinni kommunit takornariartitsinermit akuersissutinik tunniussisarnermit atatillugu suliassat annertunersaat tigusinnaalissavaat, tamatumani aamma akuersissuteqarfiusussat toqqartorneqartarneri. Tamatumalu saniatigut najukkani namminerni suliffissanik pilersitsisarneq, ingerlatsinerit ineriartortitsinerillu qularnaartarnissaat kiisalu aamma nakkutilliinermik isumaginnittuusassallutik. Taamaattoq suliassanik aatsaat kommuninut nuussisoqartassaaq kommunit suliamik tamatuminnga tigusinissartik kissaatigigaangassuk.

Takornariartitsinermit akuersissuteqartarneq eqqarsaatigalugu ersarissunik paasiuminartunillu inatsiseqassaagut, isumannaartarumallugu sapinngisamik takornariartitsinikkut ingerlatsinermit aningaasarsiornikkut isertitagit nunatsinni iluaqutaasarnissaat. Nunatsinni najugaqavissut annertunerujussuarmik peqataatinneqassapput najukkani innuttaasut peqatigalugit, taamalu takornariartitsineq misigisimaffiusinnaalersillugu piginneqataaffigalugu. Piumasaqaatinik aqqissuussisoqassaaq ingerlatseqatigiiffiit takornariartitsinermit akuersissutinik tunineqarnissaminnik qinnuteqartut taamaallaat Kalaallit Nunaanni nalunaarsorsimasuussanngitsut,

kisiannili piginnittut amerlanerussuteqartut ingerlatseqatigiiffimmilu aalajangiisuusumik oqartussaasut Kalaallit Nunaanni najugaqartuusassasut, tamakkiisumillu nunatsinnut akileraartartuussasut.

Naalackersuisut inatsimmik allannguinnissamut suliassaq aallartereerpaat, inatsimmullu allannguutissatut siunnersuutit ukiaru ataatsimiinnissami saqqummiunniarlugit, siunnersuutit Namminersorlutik Oqartussani inuiaqatigiinnilu tusarniaassutaareerpata.

Naalackersuisut siunnersuuteqartoq qutsavigiumavaat sammisarput manna pingaaruteqartoq oqaluuserisassanngortimmagu, neriutigaaralu Inatsisartuni ilaasortat amerlasuunik isumatuunillu ilassutissaqarumaartut.